

JP NIO SLUŽBENI LIST BiH  
S A R A J E V O

Broj: 5-1-05-1-53/10-15  
Sarajevo, 15.04.2015. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-53/8-15 od 15.04.2015. godine u postupku nabavke usluge otpreme službenih glasila, LOT 2- Usluga otpreme „Službenih novina Federacije BiH“, direktor je donio:

**ODLUKU**  
**o izboru najpovoljnijeg ponuđača**

**I**

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-53/8-15 od 15.04.2015. godine i ugovor za javnu nabavku usluge otpreme službenih glasila, LOT 2- Usluga otpreme „Službenih novina Federacije BiH“ dodjeljuje se ponuđaču JP BH POŠTA d.o.o. Sarajevo, za ponuđenu cijenu od 229.281,00 KM na koju je dat popust 20 % te ukupna cijena sa popustom iznosi 183.424,80 KM (oslobođeni PDV-a), kao najbolje ocijenjenom ponuđaču.

**II**

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ova odluka će se objaviti na web stranici [www.sluzbenilist.ba](http://www.sluzbenilist.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**IV**

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

## OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku usluge otpreme službenih glasila, LOT 2- Usluga otpreme „Službenih novina Federacije BiH“ proveo otvoreni postupak nabavke.

Obavještenje o nabavci broj: 195-1-2-16-3-4/15 objavljeno je na Portalu javnih nabavki dana 23.02.2015. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 14.04.2015. godine konstatovala su u roku pristigle slijedeće ponude:

1. Ponuda ponuđača JP BH POŠTA d.o.o. Sarajevo, broj protokola: 5-1-05-1-53/4-15, dostavljena 10.04.2015. godine u 09.20 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-53/6-15 od 14.04.2015. godine utvrdila da je ponuda formalno prihvatljiva za ugovorni organ.

Analizom ponude Komisija je Zapisnikom o ocjeni ponuda koji se dostavlja kao prilog ovoj Odluci, broj: 5-1-05-1-53/6-15 od 14.04.2015. godine utvrdila rang listu ponuda prema kriterijima za izbor ponude kako slijedi:

1. JP BH POŠTA d.o.o. Sarajevo sa cijenom od 229.281,00 KM na koju je dat popust 20 % te ukupna cijena sa popustom iznosi 183.424,80 KM (oslobođeni PDV-a).

Izabrani ponuđač JP BH POŠTA d.o.o. Sarajevo je izabran primjenjujući kriterij najniža cijena tehnički zadovoljavajuće ponude, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

### **POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

### **DOSTAVITI:**

- Svim učesnicima postupka nabavke,
- Komisiji za javne nabavke,
- a/a .

v.d. DIREKTOR  
Dragan Prusina